

consilio (sine quibus nihil ejusmodi sanciebatur) edici potuisse.

Sive igitur malus rei abusus adeo inva- hui, ut tolli vix posse censeretur; quare eas leges, ægrè licet assentientibus Episcopis, ferri oportum est visum; sive pro Paganis inductæ (quorum erat frequens in Imperio numerus); cum interim Christianorum res auferrentur, ita reformatae sunt, quod ad politiam pertinet, ut utriusque simul genti quadrarent; relicta interim Episcopis autoritate, simulque necessitate, ut subjectam sibi Ecclesiam juxta Ecclesiasticas leges, receptasque apud Christianos traditiones moderarentur: Principibus interim jus tantum ferendi leges, quas in Tribunalibus politicis Judices servarent, sibi retinentibus. Nec sanè defunt exempla in Ecclesia Græca post latas etiam ab Imperatoribus eas leges disciplinæ, ad Legislatoris Divini, atque Legis Evangelicæ præscriptum (o). Sed eas leges recitemus.

o Vide Chrysof. in Matt. Theophyl. Oecumen. ceteros

p Placuit Constantino Augusto, ad Ablazium Prætorio Tit. 26. de repud. Cod. Theod. mulieri non licere propter suas pravas cupiditates marito repudium mittere, exquisita causâ velut ebrioso, aut aleatori, aut mulierculario; nec verò maritis per quas- cumque occasiones uxores suas dimittere.

q L. consensu 8. cum suis §. 55. codi de repud.

Constantinus Magnus anno 331. cavit, ne foemina sub conquiritis causis viris repudium dicere auderent; accusantes e. g. virum veluti ebriosum, aleatorem, muliercularium (p). Vetitum etiam viris uxorem ad arbitrium repudiare. Nefas uxori- bus divortium à viris postulare, nisi fortè homicidis, veneficis, & sepulchrorum violatoribus; nefas & viris uxorem repudiare nisi mæcham, medicamentariam, conciliatricem. Post annos sex idem Imperator sancivit, foeminam post expectatum quatuor annis virum bellis implicitum, nulloque de illo accepto nuncio ad alias nuptias transire posse. Primam Constantini sanctionem Honorius, Theodosius Junior, & Constantius an. 421. confirmarunt. Verum Imperator Theodosius junior, & Valentinianus III. ea abrogatâ veterem divortii libertatem restituerunt. Hæc illi. Imper. Theod. & Valent. Augg. Florentio P. F. P. Consensu licita matrimonia posse contrahi, contracta non nisi misso repudio dissolvi præcipimus. Solutionem enim matrimonii difficiliorem debere esse favor imperat liberorum. Sed in repudio culpæque divortii perquirendâ, durum est legum veterum moderamen excedere. Ideo Constitutionibus abrogatis, quæ nunc maritum, nunc mulierem, matrimonio soluto, præcipiunt penis gravissimis coerceri, hæc constitutione repudia, culpas, culpamque coercionem ad veteres leges, responsaque prudentium revocari censimus.

Nec diu fuit quin permissa licentiæ malum erumperet; quare post aliquot annos, scilicet anno 449. iidem Imperatores concessa libertati frantum imponentes (q) caverunt, ne foemina viro diceret repudium, nisi adulterii causâ, sive homicidii, veneficii, criminis falsi, inite alicujus in Imperium conjurationis, vel saltem violati sepulchri, aut rei alicujus ab Ecclesia furto sublata reo, sicut furum receptori, plagario, prædoni, malæ consuetudinis cum foeminis prostitutis coram uxore sua habitæ accusato. Ita pariter si uxorem suam malè exceperit, si veneficio vel ferro,

vel alia quacumque machinatione in vitam ipsius attentaverit. Paria de viro erga uxorem, paribusque de causis datâ proportionem sancita sunt. Legitimo autem indulto semel divortio, novas inire nuptias post exactum divortii annum fas erat. Si foemina illegitimo divortio à viro recessisset, tunc omni in dotem suam, & in munera ante nuptias recepta jure multabatur; tum & novas inire nuptias non nisi post exactos quinque annos à divortio permissa.

Anastasio Imperator anno 497. priori sanctione Theodosii Junioris innovatâ, primam divortii libertatem asseruit, omni abrogatâ cautione, ab eodem Imperatore, secundâ constitutione inductâ. Jussit autem in divortii mutuo partium consensu factis, foemina post annum novas inire nuptias facultatem esse. Hæc divortii disciplina ab Imperio Constantinianum usque ad Justinianum.

Porrò Justinianus (r) pristinis divortii causis novam aliam adiecit, nempe si post exactum in conjugio biennium, alteruter ex conjugibus impos deprehendatur; insuper si foemina balnea cum viris frequentarit, si abortum procurarit, si priori viro superstiti sibi quæverit alium. Edicit autem, ut quandoquidem in rebus humanis nihil sit usque adeo firmum, quin resolvi tandem possit, ita & nuptias suas habeant causas quibus dissolvantur; nempe, vel mutuos partium consensus, vel per occasionem rationabilem, qua cum bona gratia vocatur, vel citra omnem causam, vel cum causa rationabili. Restringit autem ad certas quasdam causas divortii licentiam (r); latasque omnes leges divortium permittentes vel citra omnem causam, vel mutuo partium consensu, ita abrogat, ut partium consensus tunc demum ad divortium valere statuatur, cum alteruter ex conjugibus sive religio- sâ vitæ professionem inire, sive castitatem vovere decreverit.

Justinus Imperator Justiniani nepos (t), divortia ex bona gratia, seu mutuo partium consensu restituit; isque rerum status mansit usque ad Imperatorem Leonem Philosophum, annum circiter 900. Jesu Christi, nempe 340. annorum intercapedine. Ejus Imperatoris jussu legibus in unum corpus, quod Basilicon appellatum est, redactis, Justinianus institutio de divortio ex mutuo partium assensu sublata est.

Recepta Ecclesiæ Græcæ nostrâ quidem ætate consuetudo civilibus hisce legibus consentit; quamvis non ita facile est definire, quoniam potissimum tempore cœperit disciplina adeo ab Evangelio & veterum Orientalium Patrum doctrinâ discrepare. Licet enim nullum non moveat lapidem Arcudius (u), quod Ecclesiæ suæ mores defendat, atque in causâ patrocinium veteres Patres pertrahere conetur, evincit ille quidem eorum ætate divortia frequentari, non tamen probata unquam demonstrat, sed tolerata tantummodò in gratiam Imperialium sanctionum, à quibus mittebantur. Porrò si quis forte

r Ann. 528. Tit. de repud. L. 10. novell. 22. cap. 3. & 18.

s Novell. 117. & 134.

t An. 556. Novell. 140.

u De consor. Oriental. Eccl. & Occidental. l. 7. cap. 7. 8.

post datum semel divortium ad novas nuptias transisse deprehenderetur, is plane neque à culpa neque à crimine immunis habitus est. Sensim tamen ejus disciplinæ vigor remitti cœpit, ut tandem nihil ea divortia curarentur.

Iisdem moribus reliquæ Græcæ communionis gentes, Rutheni vel Moschovitæ censentur, quorum tota admittendi divortii causa est repudii libellus ab Episcopo impetratus (x). Solebant etiam non multos ante annos conjuges, quibus facilis ad Episcopum aditus non fuisset, ambo simul in caput bivii sese conferre, ubi mantile quoddam ambo in diversa trahentes scindebant, qua cæremoniâ scindi conjugium rati dissociabantur. Extat tamen inter Canones Joannis cujusdam eorum Metropolitæ, quem Prophetam appellabant, sanctio, qua conjuges post divortium novis nuptiis impliciti à communione rejiciuntur. Aethiopes saltem laici, antequam à Missionariis instituerentur, divortia habebant arbitraria (y).

x Vide Guagu- in. in descript. Sarmant. Europ.

y Vide Relat. Mission. Ethiopia.

Leges civiles Occidentalium variant; aliæ etenim nimio rigore, aliæ nimîa facilitate exorbitant; ac raræ sunt prorsus, quæ temporum & occasionum vicissitudini non servierint. Tandem Patribus Tridentinis certam quamdam omnibus Romanæ Ecclesiæ mores sequentis, disciplinam constituere visum; cum interim alterius communionis homines huc usque per arbitraria sibi viam oberrant.

Veteres Francorum populi mutuo etiam consensu inducta divortia legitima habebant; quid divortia ex justa causâ factâ? Hujus mutui divortii formula extat apud Marculfum (z), qui circa medium septimum sæculum scribebat; ex hisce autem integram fuisse conjugibus post divortium novum inire matrimonium intelligimus. Placuit utriusque voluntate, ut se à consorcio separare deberent; quod ita unusquisque ex ipsis sive ad servitium Dei in ministerio, aut copulae Matrimonii sociare se velint, licentiam habeant &c.

z Lib. 2. form. 30.

Post receptas in Regno sub Regibus Carolo Magno, & Ludovico Pio Leges Romanas (x), vetus tamen mansit in divortii disciplina ad normam Legum Ecclesiasticarum, Africanorum Conciliorum, & Decretalium Pontificum, quibus omnis, exceptâ adulterii causâ, ad divortium aditus præcluditur. Ita vetus Francorum libertas in divortia ab Ecclesiasticis legibus repressa, nec à Romanis legibus promoveri quidquam potuit.

a Capitul. Caroli & Ludov. l. 1. c. 43. & l. 6. c. 63. & l. 7. c. 55.

Mancipiorum Christianorum conjugia olim in Gallia, quemadmodum & ubique alibi, maximè non requisito Dominorum consensu conciliata, eorundem Dominorum arbitrio abrogabantur. Mancipiorum Christianorum conjugia, qui in Gallia, quemadmodum & ubique alibi, maximè non requisito Dominorum consensu conciliata, eorundem Dominorum arbitrio abrogabantur.

incipium dum manumitteretur, foeminam in captivitate ductam dimittens, alteri copulabatur, quemadmodum par erat jus foeminis, quæ imprudentes servo nupsissent (b). Quamvis autem temporis successu conjugia servorum dissolvi Ecclesiasticis legibus prohiberentur (c), usus tamen in contrarium etiam post nonnum laculum invalebat.

b Concil. Vermer. c. 6. & 20. c. 29. q. 2.

In magna Britannia ea potissimum loca, quæ Romanis legibus & ditioni parerent, pristinas leges sequuta fuisset in divortii, etiam post receptam Jesu Christi fidem, Seldenus autumavit (d). Laudat in eam rem veteres Leges Regis Hævol-dæ, divortia maritis permittentes, si fortè uxorem deprehendissent liberius aliquid cum altero viro audentem; post divortia autem jus in novas nuptias asserunt. Verum ex literis S. Gregorii Magni ad S. Augustinum Apostolum Angliæ (e), tum & legibus Regum Anglo Saxonum intelligimus, obtinuisse ex tunc apud Britannos leges, & disciplinam Romanorum, à qua deinceps nunquam recessum est.

d Uxor Hebr. l. 3.

e Reges. l. 12. Ep. 32. Vide & Bed. Hist. Angl. l. 2.

In Italia Theodoricus Rex veterem Saxonum Legem innovans [f], parem edicto Imperatoris Constantini supra laudato, morem inexit. Leges Visigotorum in Hispania divortii iniquissime erant (g); nec Rex Euricus mitior fuit, qui omnia simul, exceptâ adulterii causâ, prohibuit. Apud Burgundos nullum in divortia jus quacumque demum ex causa foeminis permissum; viris autem tantum ex causis in Constitutione Constantini designatis (h), Allemannis constitutum erat, ut in repudiandis uxoribus coram quinque Nominatis, & septem Advocatis solemniter edicerent, eam foeminam repudiari, non quoddam vitio aliquo aut defectu notaretur, sed quod altera magis amaretur (i). Porrò hæc leges sexto sæculo scriptæ sunt; nempe ante receptam ab illis Gentibus Fidem.

f Cap. 54.

g Leg. Visig. l. 3. tit. 6. c. 1.

h Leg. Burgund. c. 34.

i Leg. Allem. c. 53.

Synodus secunda Hiberna, can. 26. in potestate mariti relinquit, si post repudiatam priorem foeminam adulterii causâ, ad novas nuptias transire voluerit: Si ducat alteram, velut post mortem prioris, non vetant.

Porrò illarum gentium prona in divortium licentia ex literis Gregorii VII. ad Lanfrancum Archiepiscopum Cantuariensem, sicut etiam ex altera Lanfranci ad Gotricum & Terdevaltum Regem Hiberniæ, ac tandem ex altera Anselmi Archiepiscopi Cantuariensis ad Muriardacum Regem ejusdem Provinciæ nota est. Vitio enim populis illis vertunt pronam sicut ad faciendam, ita & dissocianda conjugia consuetudinem; nec etate nostrâ meliores sunt Hibernorum mores, juxta ac Cambdenus animadvertit (k).

k Cambd. Britan. pag. 764. & 791.